

盤洲文集

二十九



盤訓文集卷第七十三

祭文三十四

洛祭胡提船母文


商飈急兮飛塵榕陰陰兮書昏寒泉之思兮孝子飛  
旄啓兮悲哉夫人惟夫人兮以子貴疊紫誥兮鸞迴  
厥紙使節煌煌兮甘旨鶴髮壽眉兮含飴受祉忽嬰  
疾兮天降厲問瓊苑兮既辰棹檣兮江滑唱松霧兮  
楚挽陳薄醑兮悲辛

衆官路祭文

惟靈訓服圖史職共蘋繁媿德君子禮法之閑篤生  
時英乘使者車雞鳴問安有榮板輿厖眉黃髮人仰  
壽母忽兮染病悲哉題湊秋云暮矣凄其以風靈輻  
呵塗指舟之中再拜一轍瘴氣變容

祭梁尚書文

惟公有剗鯨理劇之才而彰於盤錯有裕國富民之  
術而見諸施為主計文昌錢流地上摘伏京兆道不  
拾遺出殿价藩章章善績天奪懿德朝露易晞嗚呼  
哀哉某諾仕之初得造寮案猥叨賞接軫其匱窮契  
關東西白頭如故未展衰芒之報驚聞彫落之音飛  
淚薦誠文不泄意



長沙卷之三

一

E七

祭陳安撫父文

惟公隱曜含和里評冠月季祉賢嗣詩禮飽聞拾芥  
魏科颺聲榮路皇華方伯鼎貴未央告弟出綸屢榮  
潛隧某效官東台雙表是經鄉之吉人遐想高躅况官  
侶之好情篤鯉庭豈隻雞之詞不如昔者磬折以薦  
靈其格思

祭黃提刑父文

惟公德比玉温鑿米家食挺生哲嗣允蹈義方高折  
蟾枝飛聲烏府三持使節仁匝炎州密印之榮袞袞  
未艾某效官東粵道邇佳城鄉之儒先欽想遺範矧  
鯉庭篤嘗寮之好豈雞酒嘿前人之詞薦此寸誠恨  
不躬酌

代祭張右相母夫人文

卓哉夫人天稟淑姿紛悅竭孝圖史鳴徽媿德名門  
郝法鐘禮言采其蘋湘之金錡篤生真儒為天下霖  
忠高洗日望藹摶參義方有訓幼與擇鄰訢訢榻中  
茲惟嚴君丞相在朝夫人西來皇帝異恩以駟駟催  
帝謂吾相思奉板輿郵載奏邸日報起居為母之榮  
瞻前寡二鸞誥疊封貂冠虞侍燕及孫曾芝玉競秀  
黃髮有詩如魯壽母萱凋夜色蘭寵晨馨天平禍集

聞者涕零素旗搖搖在湘之陰一束生芻千里馳心

祭程參政文

番水泔泔番山嵬嵬偉人輩出未光三台英英我公  
天荒始開五行一覽七略兼該筆精墨妙穿月掀雷  
發名首科垂斗之魁咫尺顏前席仕無良媒高驥夷路  
汗踏驚駘迺立螭坳帝墳以裁迺上左掖比綸大哉  
迺侍經幃蘊杖秦灰迺拜夕闈疏入天回迺啓北扉  
博花聽槐迺幹樞機廟謨是陪身退甚勇夸綉畫來  
婆娑家林如綠野裴歲在淵獻道變九垓天子改絃  
注想實材并三薛疾札書日催入叅揆路妙運陶坏

卷五十一

三

沛乎魚豢匪久鹽梅士期棟隆博求楔撮人期儒效  
布武熙臺云胡不憇美疾行炎識占子服厲過黃能  
嗚呼哀哉某等旅進詞壇皆下下才拔三得二指珉  
作瑰網繆光接且輓且推永懷評自有颯恩鯁哀哀  
吾州耆舊凋摧又失鉅公泰山之頽訃驚遠邇謠輟  
提孩德容永藹芳躅塵埃饌登于俎醴陳于壘一慟  
三窆薛不盡哀

祭熊運使文

嗚呼天有間氣上為列星攬其光芒人以此文鳴濯濯  
我公番川之英手翻五車撐柱腸膺召泓進穎散綺

敷瓊旁觀辟易三嘆同聲迺游木天迺儀水壺雅宜  
爲誥以續六經孰不拭背看公鼓行彼柄國者濁亂  
渭涇廟薦康瓠周鼎非馨卷其黼黻光逆山宿雞群  
退步鵠侶尋盟雕鏤月露鞭逐風霆能人紀事孝子  
求銘作八分字走四裔名荒涼愚溪呼柳不應申弔  
湘纍專鄂之城才高數蹇參恨千齡藥傷蘇枯春在  
雙旌吐歌于途聞者耳盈三綬若若封提舊京謂超  
嚴召爲公爲卿恭惟鄉耄扶翼後生飫以鼎臠私其  
旦評牽絲遠來密倚澄清遽聞駟訃淚墮心驚輝沉  
詞伯來者孰程短章大篇歸之六丁滔滔漢水旒舉

舟輕三尺所關一觴莫傾抽哀泚札式寓寸誠

祭方金壇文

嗚呼五羊襟期首末四年清尊列舞短韻大篇無歡  
不同無句不聯非疾非夕不相弃捐情無猜隱如兄  
弟然分攜八載小牘翩翩開春季月我官畿內聞君  
旅食搖心晤對我方入郭君已言邁君知我來停舟  
返旆欣然一見歲寒不改我冗君還悵不款會曾未  
再旬而棺已蓋終天遂訣承顏弗再嗚呼哀哉君有  
家學得之青箱君有遠識論議軒昂區剖萬事語塞  
在旁曾中涇渭餘子參商平生友愛追隨鴈行連仇

吳府不游異方盤根未試銛鋒匱藏元昆換節君必  
階歸仕以此淹校考頓遲年過四十小選用離得邑  
句金牛刀割雞裝回一壑尚遠瓜時天忽降疾疾不  
可醫我亦翫骸同盟者希失此莫逆有過誰規驤首  
總帳曷日循題飛文矢哀淚若縷縈持薦卮酒君其  
中之

祭鎮江都統張少保文

嗚呼狂胡猾夏燃臍自亡孰乘此機恢我故疆公提  
將符慷慨誓衆韜略家傳膽有餘勇胸山之圍胡騎  
雲集疾馳援兵蒙犯暑濕大伊胡虛石歎奪險神助

卷之三十一

五

二百

積雨霖者爲斬盛城之北如風掃葉遂寧貢渠人畜  
相躡追奔臯橋振旅舊屯不增凶獲威以實聞踰淮  
治堡旬歸絳屬假之歲月犁庭可卜得疾馬上遂在  
膏肓將星夜隕誰不悲傷我摠軍須周旋連月促膝  
高談壯懷激烈望公藥喜何期永設清酒弔廬攬涕  
如屑

祭王樞密文

惟公挺挺英標鄱川之望穹木千尋擢秀青嶂洞然  
曾字議論宏放高騫月窟爲諸儒倡入判五花辭推  
哲匠出護坤維願指百將再來禁瑣帝呼輩行印綬

若若挾三牽兩遂登籌幄日吐忠讜沛平縱壑倚以  
爲相黃能作厲邇魄潛壤宸衷震悼一鑑淪喪嗚呼  
哀哉某夙講清塵近接鄉鄙官路肯馳參辰迫仰代  
匱掌制晚依翰長負指屢登契越疇曩問疾半旬宛  
其長往敬酌一觴莫展悲愴

衆從官祭王樞密文

惟公道苞墳素材冠倫魁軒然儀表籍甚清埃頃入  
帝城奮跡麟臺東掖西垣燕許大才夢刀作牧馭叱  
卬峽千齡胥契一節復來禮文野絕議論天回起草  
玉堂號令風雷榮陟宥地光並三台石畫嘉謨丹宸  
虛懷倚以柄國舟楫益梅忽嬰沉痾梁壞山頽某等  
武接夔龍談城屢陪洞見肝膈中無疑猜半旬不面  
逝水傷哉饌潔于俎酒登于壘瞻柩一慟文不寫哀

祖廟焚黃祭文

某人品凡下無所取材蒙被德蔭浸叨兩地始入西  
樞得以卹典追賞祖廟某印組所拘無因躬至松楸  
之下謹以太子太傅黃告一通俾弟某上冢以告伏  
望垂光委祉益壽其後

禰廟焚黃祭文

某材智驚劣無以過人蒙被慈訓叨竊儒科入朝僥



幸浸躋膺仕三釜不伸每深痛慕始入翰苑繼擢宥  
庭皆有密章增飾禰廟某印執所縻不獲躬至松楸  
之下謹以少師太師黃告二通俾弟某上冢以告

白茆焚黃祭文

某幼被慈教致叨儒科入朝踰年遂躡兩地季夏之  
月以階遷中奉繼有北門西府之除再旬之內三進  
國封息渥重仍增貫幽壤重惟救水之養莫報劬勞  
想象音容罔極增痛雖松楸不遠而繫官有守不得  
詣前謹以慶國魏國楚國夫人黃告三通遣男梓上  
冢以告

白茆焚黃文

某典樞輔政方懼滿盈復拜誤恩遂躋相位顧惟非  
據實自慈訓祿養不伸罔極增痛聖代渥典存賜卹  
章大國舊封益光新澤繫官有守展慕無階

郴州焚黃文

某資稟凡庸無足比數遠藉慈蔭浸竊官榮掌樞秉  
鈞再膺卹典顧詹松楸邈在它邦有子有孫弱不可  
遣展掃弗虔有負顯報

家廟祭考妣文

澹津之址基我先君南遷不返齋恨泉下布椽治礎

遺訓在耳歷載二十始遂肯堂之志會有稽山之命  
不克俟落成而去家廟居中實存乎澤故惟鑒佑孫  
曾保之

家廟祭祖考文

某罷政還鄉始獲卜築以遂先志誤息遽及懷會稽  
之章就道有日不克俟落成而去新此楹礎永薦觚  
鼎敬惟鑒知益壽其後

家廟告高曾祭文

澹津之基發自慈訓前歲歸里始獲肯堂斤斧未休  
往鎮禹會句祠得請茲克奠居家廟處中式報遺蔭

無字生

八

五二〇

永期燕安益壽後人

故縣焚黃文

某頃叨秉鈞朝廷推教忠之澤以光禰廟始荒邾子  
之國去夏邁階遷中奉復進淇奧之封暨逢郊禋遂  
徙大名之壤仰惟盛德壽後卹典便藩而風木纏悲  
罔極何報茲因冬朔併舉黃告三通燎于墓下

滄潭焚黃文

某往歲當軸去冬遇郊再霑恩榮以顯祖武故祖考  
自亞傳而冠三孤祖妣自莒國而進衛國茲因展墓  
謹以黃告四通燎于祠下

金山焚黃文

某以庸常之材昨流光之慶往年當國再有卹典以  
賁泉隧還鄉未幾迫於守越故三少之命未及燎黃  
茲因冬祭敢告于墓下仰惟明靈鑒此穢章

辛卯滄潭焚黃文 同景嚴

國家恩厚輔弼雖去位遇郊猶得崇報于祖廟某等  
憑藉德蔭饗此官榮雙奉卹章獲伸繩武之孝祖考  
繇帝保而躋帝傳祖妣則有大國之封冬朔掃冢教  
以黃告三通焚于墓下惟靈其鑒之

故縣焚黃文

盤固六二二

九

三

某憑藉德澤奉祠佚居遇此郊禋慶延兩世惟我顯  
考位極帝師雖封國尚有秦壤而怨家之姓也不欲  
以汚栗主之神故仍用舊邦復受新渥維冬之朔敢  
焚黃告仰惟明靈其鑒之

白茆焚黃祭文

恭惟母氏裂全魏之封今九年矣某霑被慈蔭兩以  
郊霈俱仍舊國再開新渥身滯遠鄉既不得展掃丘  
壠而燎燔黃告又不以時茲因男桴赴調入浙始得  
白于墓下泚筆救淚惟靈其鑒之

祭余文特文

惟君粹然之質蓋然之和結交四海白圭不磨少年  
逸氣已凌虹霓仕路連蹇晚得一麾彼蒼者天何者  
尼之甫出都城即以疾歸一室八年藥裹不離我治  
盤洲君好苔竹蒼頭手輿花下追逐蹒跚學步指擬  
亭復水閣一觴月亭一曲投醪耐久惟日不足信宿  
不面已飛子服情話盟寒佳城遂卜感傷陳迹淚若  
驚瀑

祭樞弟文

嗚呼親則手足義則友朋少小同志刻苦惓螢聯中  
科目闊步蓬瀛繼踵詞禁遂陟樞衡自昔監郡始相  
契闊三十年中少會多別細數從容七十其月園池  
相望苔竹蒙密對酒賦詩曾無虛日建康之歸恨君  
有疾日望藥喜杖策可必天平不仁服烏入室鐺脚  
情話今折其一悲苦填膺傷感陳迹酌此一觴淚若  
泉出

樞弟周祥祭文

嗚呼終天之訣于今旬歲想象平生屢飛清淚風梗  
鶴原暮景憔悴傾此一觴悲在心髓

樞弟大葵祭文

嗚呼生死之甫忽其三年追思友愛陳迹依然松檜

成列日迫新阡靈輿將啓丹旄翩翩墮淚漬酒痛橫  
九原

祭萊國葬事文

嗚呼幽明路隔倏其三年尚想往昔鯨魚自憐羅列  
芻靈將捐松阡攀車一酌淚如流泉

諸子

鴟鳩均一大哉毋道棘心天天劬勞曷報日月交馳  
三食新稻泣血一觴魂飛宅兆

卷之七十三

十一

乙

盤洲文集卷第七十三



盤洲文集卷第七十三



行狀一

先君述

先君諱某字光弼饒州人曾祖諱某祖諱某贈中大  
夫皇考諱某通直郎贈右太中大夫妣太碩人董氏  
先君登政和五年進士第主台州寧海簿會令去攝  
其事民舊苦市絹不均先君始令物力百千者賦一  
匹大姓王隆多買田不受稅歲纔五十匹至是數增  
三倍餘以次定賦蠲貧弱者四千八百戶李氏富而  
贖家藏妖書號二宗三際經時節集鄰曲醪香火祀

世系圖卷之三

一

日行

神元未嘗習也姦人詭入伍中通其女既泄即告縣  
逮送獄先君入食有小吏偶語喜甚詰之曰李氏輩  
賂錢五十萬故喜先君曰是下獄屬耳而賦吏若此  
可緩乎即呼囚庭下委曲問情得并告者平決之吏  
駭顧失色方臘反台之仙居民應之蹤捕反黨及旁  
縣一日驅菜食者數百人至縣丞尉皆曰可殺先君  
爭不得丞尉用賞秩不踰年相繼死皆見所殺為厲  
去拜南京國子博士未上賊犯杭州經制使陳公直  
伯檄主餉奏功遷宣教郎為秀州司錄事宜和六年  
秋大水田不沒者什一流冗塞路倉府空虛無賑拯

策先君白郡守以芹政自任悉籍境內粟留一年食發其餘糶於城之四隅外損市直錢五戒米肆揭賈於青白旗上巡行無時扶其旗靡者皆無敢貴糶不能自食者官主之立屋於東南兩廢寺十人一室男女異處防其殺僞涅黑子識其手東五之南三之資鬻樵汲有職民羸不可杖有侵牟鬪踴者亂其手文逐之皆帖帖畏伏借用所掌發運名錢錢且盡會浙東綱常平米斛四萬過城下先君遣吏鑱津柵諭守使截留守噤不肯曰此御筆所起也罪死不赦先君曰民仰哺當至麥今臘猶未盡中道而止則如勿抹

寧以一身易十萬人命訖留之居亡何廉訪使者王孝竭至郡曰平江哀號訴飢者旁午此獨無有何也守具以對即延先君如兩寺驗視民肅然無出聲孝竭曰吾嘗行邊軍政不過是也違制抵罪得為君脫之且厚賞呼吏草奏先君曰免矣幸矣安所賞但食猶未足公能終惠復得二萬石乃可孝竭以聞米如請而得至麥秋民相携以歸前後所活九萬五千餘人州人既不死凶年先君出無不手加額呼為洪佛子累官朝散郎丁太中憂還鄉奔喪太碩人年七十矣與弱孫在秀諸卒以城叛鹵掠無一家免過門皆

曰此洪佛子家也母得入賊平先君還過臨安時苗  
傳劉正彥出逃未伏誅上將遷狩建康先君上疏言  
今內難甫平外敵方熾若輕至建康恐金人乘虛侵  
軼宜遣近臣先往經營庶事告辦鳴鑾未晚也時廟  
謨已定不能從既而悔之上問宰輔近諫移蹕者為  
誰今安在丞相張和公時知樞密院以對過秀邀先  
君至平江欲以為部使者招二凶適捷書至乃止將  
辭歸和公曰呂丞相欲見君即遣直吏介謁俄有旨  
召見時方墨裹絰丞相脫巾服衣之既對上以國步  
艱難兩宮遠狩為憂先君極言天道好還裔夷安能  
以陵中夏此正春秋邲郟之役天其或者警晉訓楚  
也所言反復當上意上曰卿議論縱橫熟於史傳有  
專對之才朕方擇使無以易卿先君以母老父喪懇  
辭不許擢徽猷閣待制遷五官假禮部尚書為奉使  
大金軍前使令與宰執議國書先君欲有所易輔臣  
護其文不喜遂抑遷官賜告一日歸別先君持太碩  
人拜且位時長子适甫十三歲逝以下皆繼陳呱呱  
省別行路不能仰視先君弗子也淮甸賊逢蠡起兼淮  
南京東等路撫諭使俾李成以兵護至南京成乃亦  
與耿堅圍楚州以責其降虜為名實持叛心先君遣



書抵成成曰汴泗虹有紅巾非五千騎不可往軍食  
絕不克惟命先君聞堅可撼陰遣說之曰君越數千  
里赴國家急山陽縱有罪當與半朝今擅兵攻圍名  
勤王實作賊爾堅意動遂強成歛兵先君行未至泗  
境謀去有迎騎介而來副龔璣曰事區測虎口渠可  
入送兵亦不肯前先君不得已遂返即上疏言李成  
以朝廷不撫郵稽餽饟有以受納命建康之語今新  
賽據揚州薛慶據高郵萬一三叛連衡何以待之方  
含垢養晦之時宜選辯士諭意德進官秩畀以京口  
綱運如晉明帝待王綽可也疏奏上遣閣門宣贊舍

盤洲卷之十

人賀子儀撫諭成公米三萬石令第將士名馳恩初  
先君戒所遣吏須疏從中出乃詣政事堂白副封時  
方禁直達忤宰臣意以託事滯留降議郎許出滁  
陽路張守志李貴肅檄上道益梗提舉官范漢張銳  
嘗招尉之旋復亂先君至順昌聞賊有至近郊以牛  
驢市物者約與相見譙明下先君曉譬切至曰自古  
無白頭賊賊竦寤請歸報其渠迺爲書至其窟穴守  
忠貴聽命率所領入宿衛守忠初名俊入朝賜今名  
李貴卽俗所謂李闍羅者先君聞關至太原留幾年  
虜遇使人禮益削及至雲中大酋粘罕迫遣與副使

官爲齊先君曰萬里銜命不得御兩宮以歸大國變  
不以足有中原當還諸本朝迺違天以奉逆豫豫可  
磔萬段顧力不能忍事之耶今留亦死不即豫亦死  
偷生狗鼠間甘鼎鑊不悔也粘罕怒命壯士擁以下  
執劔夾承之先君不爲動旁貴人喟曰此真忠臣也  
止劔士以目爲蹠請粘罕怒少霽遂派遊于冷山與  
假吏沈珍隸卒丘德堯超張福柯辛俱副使至汴受  
豫命知恩州流徙猶中國縲寃也雲中至冷山行兩  
月程距虜二百餘里地苦寒四月草始生八月而雪  
上廬不滿百皆陳王悟室飛語悟室使誨其八子或

一年不給衣食盛夏至衣褲布番課四隸採薪它山  
嘗久雪薪盡至乞馬矢煨麵而食紹興二年使者王  
公倫歸爲上言之即下秀州存問家屬賜銀絹二百  
疋未冠得監南嶽廟先君辱於悟室十年多爲詩文  
以諷皆憂國傷時語悟室嘗得獻取蜀策持以問先  
君先君歷陳古事梗之悟室鈔欲吞中國曰孰謂海  
大我力可乾但不能使天地相拍爾先君曰兵猶火  
也弗戢將自焚自古豈有四十年用兵不止者又數  
數爲言所以來爲兩國人事今既不受使迺令深入  
教小兒兵交使在禮不當執悟室或應或否一日大

怒曰汝作和事官却口硬謂我不能殺汝耶先君曰  
自分當死顧大國無受殺行人之名此去蓮花灤三  
十里使之乘舟一人蕩諸水以墜淵為言可也悟室  
義而止兩宮蒙塵五國城嘗遣私人奏書并獻胡桃  
梨脩粟麵諸物兩宮始免趙氏中興永祐陵諱聞先  
君北鄉血泣旦夕臨後遇諱日即燕山開泰寺為文  
以薦其略曰故宮為木黍改館徒饋於秦牟新廟游  
衣冠招魂但歌於楚些雖聖河東之賦莫止江南之  
哀遺民失望而痛心孤臣以繁懣歐口又去盛德之  
祀傳百世以無窮在天之靈繼三后而不朽故臣讀

之無不堵涕虜已遣使約和悟室問所議十事先君  
條折之甚至曰封冊是虛名年號本朝自有金三千  
兩景德所無東北宜然蠶大國有其地矣絹不可增  
也至於取淮北人搖民害計本朝必不可景德之盟  
南北所得人皆不取載書猶在可覆視也悟室曰吾  
固欲取投附人誅之以懲後河為不可先君曰昔魏  
侯景舉十三州地歸梁梁武帝欲以易其姪蕭明於  
魏景遂作亂隔臺城仆兩帝中國所監史不相從悟  
室稍悟乃曰汝性直所言不誑我吾與汝如燕遣汝  
歸議遂行所存沈珍丘德党超三人既而莫公將北

來議不合因涿州事復變道達輶帳其酋聞洪尚書  
名爭邀入穹廬出妻女胡舞舉渾脫酒以勸到燕一  
月越王兀术族悟室黨與生死數百千人獨先君故  
與持論身幾死數矣兀术知之故得免燕人重先君  
執節爭持酒食相勞苦先君問行囊中物色謀者得  
趙德書機事數萬言藏故怨中以歸曰順昌之役虜  
震懼喪魄燕之珍器重寶悉徙以北意欲稍燕以南  
棄之王師亟還自失機會雖再彌河而後必更成具  
以悟室問答語示兩宮諸王太后居殿上是歲紹興  
十年也明年夏求得

皇太后書遺邵武男子李徽來上大喜因御經筵講  
講讀官曰不知太母寧否幾二十年雖遣使百輩不  
如此一書遂官李徽其冬復以書曰虜已厭兵勢不  
能以異時以婦隨軍今不敢務朝廷不知虛實卑辭  
厚幣未有成約不若乘勝進擊再遣使又掌爾所取  
投附人只欲保守江南歸之可也爾不慮侯景之禍  
乎若欲復故疆報世讎不宜與和銓卦事此或有之  
知中國有人益生懼心張丞相名動殊方可惜置之  
散地并問李趙二相安否獻六朝御容  
徽宗御書其後和定

杜陵

太... 先報凡四年中以文書至者九數陳軍  
國利疾請施行之則宗社生靈之福留中皆莫得聞  
先君言無隱情歸國以此觸罪諸子懼深禍過庭不  
敢一問北事故忠謀祕策不詳得獨係帛書所存大  
略如此嘗有旨以先君母老賜錢百萬又與將仕郎  
恩澤五人它賜子者三終知政事万俟公出疆上知  
先君急關命其副特持賜金帛十二年二月適遭濫  
登博學宏詞科宰臣以所試制詞進讀上顧姓名問  
曰是洪某子耶父在遠能自立此忠義報也可與陞  
擢差遣故遵除祕書正字進為刪定勅令官繼亦改  
秩入館自博學宏詞政科即除館閣自遵始次月宰  
輔賀

皇太后有來期上曰共某身陷虜區乃心王室忠孝  
之節久而不渝誠可嘉尚某之二子並中詞科亦其  
忠孝之報也士大夫苟能崇尚節義天必佑之先聖  
福善禍淫之訓於某可以見矣語在慈寧宮迴鑾事  
實初宇文虛中既換虜官欲扳先君分譴乃力薦于  
虜庭換先君為翰林直學士力辭獲免虛中為詳定  
禮儀使始造赦其文復及換授先君許虜相韓昉乞

於真定或大名養濟圖逃歸計昉怒虛中贊其使遂  
換中京副留守復力辭昉大怒降留司判官為承德  
郎趣行者屢美誓以死不就職虜法雖未換官曾欲  
任使者求不可歸虜欲以計墮先君令校雲中進士  
試使者監上道先君曰損食陽為有疾狀既至謂院  
官曰今取士以詩賦吾攻學經耳曰豈不能出語策  
士乎考官孫九鼎者有大學舊為以疾聞得回燕虜  
議遣奉使人各還其地及之也使者幸稍從多  
占淮北無敢言淮以南亦先君實以統州聞張公邵  
朱公弁亦自言和州人既議和還淮以南使者

故先君三人在遣中用事者多曰此等人若放了幾  
時更有今不留後必為我患歸計屢欲變參知政事  
王公使至燕先君得虜陰謀從坡上與館中人語為  
留守易王所獲對吏祈馳流星騎上其事副留守渤  
海人高吉祥素嘉先君忠委曲護出之且易以它牘  
先君行月餘方以元牘奏垂入境追者七騎至及詣  
淮則在舟中美至盱台以奉使無狀自劾上方以來  
歸為喜報無罪可待日以徂扎趣覲既至闕登時見  
內殿奏事懇求鄉郡養老母上曰卿忠貫日月志  
不忘君雖蘇武不能過豈可捨朕去也賜內庫金帶

鞍馬既又以馬薦復拜賜又賜御銘盾制琴一黃金  
參百兩帛五百匹象齒三百斤縣香酒茶諸果物中  
使日踵門咨訪宸章沓至且諭百將柄用

皇太后之歸也過燕先君冒禁朝焉至陛對乞賜見  
明日即召之慈寧殿已設簾

皇太后顧帝人吾故識尚書矣命徹之間勞優渥語  
必稱尚書賚予係道東朝辭外庭臣唯先君一人見  
宰相秦檜肆言無所避勅三日不休曰張丞相虜所  
尊憚乃不得用錢塘轉運而景靈太廟極土木之工  
示無中原耶語侵秦檜類此奏請造曰尊公信有忠

節得上眷但官職如舊書則易終而無味要當如  
黃鍾大呂乃可閱九日建徽閣立學士提舉萬壽  
觀兼權直學士院虜來取趙彬輩三十家先君疏言  
昔晉韓起謁環於鄭鄭小國也能引証不與虜既限  
淮臣官屬皆吳人留不遺蓋慮知其虛實情偽也彼  
方困於蒙兀姑示強以子國若遠從之彼將謂秦  
無人而輕我矣後三日復上疏言或曰不與之故致  
渝盟且曰俟

淵聖皇帝及皇族歸乃遣又言王倫郭元邁輩以身  
徇國弃之不取緩急何以使人辭益剴切經筵進故

實引楚平王止子旗伐吳事因言吳取州來楚弗與  
校撫民治國五年而後用師今淮右之民勞罷流散  
宜時使薄歛勿令轉徙無告中興急務也秦益不喜  
初虜圍楚州久不下時秦留粘罕所虜使之草檄諭  
降有室撚者在軍知狀先君與秦語及虜事因曰憶  
室撚否別時託寄聲秦色變而罷明日侍御史李文  
會論先君在朝必生事遂出知饒州時太碩人春秋  
八十有五畫錦鄉下學士大夫榮之明年大水秦方  
鉗天下舌不得言中官曰鐸從

皇太后北歸者宣告處理乘整洪尚書名聞華夷顧

不用秦聞繫鐸大理獄成鐸實不識先君特以虜中  
知名故鐸既派領海諫議大夫詹大方指先君與鐸  
刎頸交更相稱譽遂提舉江州太平觀未幾丁太碩  
人憂先君恨牽久使事承顏關卷空囊中辦大葬一  
椽一石心營指授終日挾杖與工傭等勞而御史中  
丞何若猶論先君為睥睨鈞衡謀不靖者服除復得  
太平觀州通判李勤與太守王公洋同僚陳公之淵  
積不相能且幸以訐進誣先君作欺世飛語王陳與  
聞之有雅憎先君者從中實其事殿中侍御史余堯  
弼以為言王陳罷去先君責濠州團練副使安置英



州既至得僧舍數楹於黃茆叢竹中居之泊如地產  
奇石遣僮嬴糧幽討羅列四壁下手斧鑿晝連夕丁  
東其間閩人倪登老矣以承務郎守郡自謂秩卑無  
與主聞新興守以巧中遷客取使節意躍然效之鈞  
先君爲奇貨使主兵官左右狙罅捕鍛家奴獄中  
欲持一兩事釀成罪以梯已未及發登死其後徙居  
城北山中仍年谿漲通衢沒其棟先君容郡人避水  
扶繼老稚填溢堂廡幾千指皆廩食之數日水退然  
後去先君半世胡庭入翰林不旬浹還鄉三秋執喪  
之日過半屏徙厲土嵐毒侵淫無珍膳良藥自輔二

年而瘴作蓋不食十有八日曾不知入嘗少寤口占  
秀州採菑事授諸子呼天請命夜夢之帝所有宣赤  
章云云者詰朝即能食至于復初後二年乃卧未疾  
謫九歲始復左朝奉郎主台州崇道觀居袁州未踰  
頃疾革以二十五年十月二十日薨于南雄後一日  
秦亡訃至輔臣入奏上嗟惜久之即復敷文閣直學  
士制曰有功見知聖人醜於用賞不幸而過君子爲  
之動心矧予嚴近之臣備載忠勤之績眷倚方渥愛  
憎隨生坐一嘗以投荒積九年而不徙人無言者朕  
甚念之洪某學有本源氣存剛大惟知忠力以衛上

不顧險夷之在前街君命以干征厄海濱而不悔誠  
貫白日聲震湖方義重於生耿恭無玉門之望天將  
悔禍蘇武持漢節而歸大節無虧多言不宥遂解禁  
林之直卒遷瘴嶺之南閱歲滋深餘齡可憫宜昇真  
祠之逸以增延閣之華尚對寵光歸安鄉社自聖上  
躬萬幾還逐臣非罪首先君道以不起聞而聖意哀  
厚首得舊物使及其生存而寵之故訓詞惻怛如此  
遺奏未至特詔贈四官推遺致息別以一孫官江東  
漕司庀襄事先君少英儻有奇節以諸生待庭試京  
師伯父給事位南宋王黼為中執法慕先君為人欲

女以女弟給事以同臺故曲為平章先君懽拜曰婦  
所以事舅姑也家素壁立今暴得一官乃令鼎貴薦  
女身得計矣如父母何暨擢弟朱勅復請尋資送萬  
計且嚼以顯仕拒尤力朱不獲命藥榜中周審言壻  
之及周直內閣服金帶為秀州守先君迺在幙下人  
為先君惜之視之蔑如也使虜得修職郎四人時有  
六子獨适預名三以官弟姪且乞以一弟擘奉甘旨  
故擘起布衣奪哀為秀州判官凡弟姪及姊妹之家  
以先君入官者七人庶弟孤姪雖多力為謀昏對前  
後賜物班內外之親無餘不為問舍求田計窳空

即功始假貸有一壘未及穫而貶已貶猶歲割粟以贍親之貧者至自奉惡衣糲食不擇初撫諭京淮降空名告身二十通以便且賞功存其半或求竄名卻弗應封以還尚書

懿節皇后之姨高氏與其夫趙伯璘隸悟室戲下貧甚先君屢調之范蜀公之孫祖平虜不以為官傭奴之先君使以東坡所為蜀公銘白曰我官人也虜曰東坡書之不疑矣即釋之先君資以歸裝貴族有流於黃龍府優籍者二人先君囑副留守趙倫除其籍劉公光世之庶女小醜在虜參家為贖以重價求匹

偶衣冠之家略為人奴者贖之數十人張待制宇發自蔚州死雲中先君過荒寺見其櫬携之至燕山授其僕鍾禹功使葬司馬侍郎朴握節以死居數年無有能明之者先君為陳本末詔以忠節顯著贈兵部尚書其歸也北人治餞具幾月後使者至虜多問先君今何官居何地先君天性強記書無所不讀雖食不釋卷稗官小說亦暗誦連數千言宣政間春秋之學絕先君獨窮遺經貫穿三傳在冷山摘褒貶微旨作詩千篇北人抄傳誦習欲刻板於燕先君弗之許於姓氏尤精官制部曰使者胡公直孺嘗問祖之所

自出先君曰姓書以胡為陳胡公之後陳媯姓也若以謚為氏齊亦有胡公豈獨陳乎蓋胡自有兩祖春秋有胡國嘗以女聘魯襄公經書夫人歸氏薨則胡以國氏歸其姓也今為安定胡氏晉胡奮其後也魏孝文入洛改功臣復姓以紇骨氏為胡今所為河南胡氏者是也同列董公將戲曰董亦有两祖耶曰昔颺叔安之裔子董父善擾龍帝舜賜姓曰董封諸豳川豳缺其後也又辛有之二子董督晉與晉於是董史因為董氏董狐其後也二公歎服善琴弈好古能別三代彝器見書畫不計直必得之乃已有書萬

博學淵源 卷之五 十一

餘卷名畫數百卷皆厄兵燹居窮絕域復訪求困載以歸四夷附錄所載西瓜先君持以獻故禁園及鄉圃種之皆碩大西瓜始入中國有文集十卷春秋紀詠三十卷輜軒唱和集三卷帝王通要五卷姓氏指南十卷松漠記聞二卷金國文具錄一卷先君剛直言不誠不發雖與人尺牘無一字過譽有瞻略遇大事敢為平居慷慨有經略四方之志常語諸子曰在北方久料之孰矣今其勢日削可以憑軼取之過河胡時見父老指其子孫云是皆生長兵間已二十餘矣不知有宋我輩老且死恐無以係思趙心不辛大

忤時相挫抑顛沛天不假齡齋志沒地諸孤不孝不及見其成大功名也蒼天蒼天安所聲痛先君自爲從官不報考功課故官止朝散郎以贈至大夫職至徽猷閣直學士爵至鄱陽郡開國侯食邑至一千一百戶壽至六十八娶沈氏左太中大夫復之女封碩人初先君眷戀庭闈不忍去太碩人以移孝顯親諄諄勉之且曰婦孝足以寧其居切毋以我老關念既越疆胡馬益南牧音郵絕不相及太碩人倚門積憂幾罷寢食碩人左右虞待極意順適致太碩人康寧及見先君之歸其擇師教諸子則不遠千里拊妾侍

盡息紀愛其出隆於已生叔姝娣姒細龜柔剛不同一切得其歡心中外語婦德之最必以爲法即世五年先君始還以不見爲戚故終不忍復娶洪氏始居樂平之金山自曾祖府君種德重義以氣節聞子中大夫蚤世二孫幼府君慨然思所以成立計即挈諸城中訪先生之賢力教之因占籍鄱陽長孫諱彥昇起家遂給事中太中雖不遇至先君益顯八男子适左奉議郎主管台州崇道觀導左朝奉郎祕書省正字兼權中書舍人邁左宣教郎通州袁州廵右宣義郎徽州婺源縣丞遜右承務郎僉書連州判官事邁

右承奉郎江西安撫司准備差使遼廷未仕四女子  
嫁左從政郎池州建德縣令余執度右迪功郎潭州  
湘陰縣主簿王駸將仕郎威棟一尚幼孫男十一人  
櫬右迪功郎江東轉運司准備差遣松楸橋椽梓楹  
檫樟楠桐女九人初先君既得合葬於滄潭去五里  
所其鄉曰和風南管得故縣之原瞻愛其山川呼畚  
鍤畫墓位曰吾百歲後必於斯從二親不遠矣薨之  
明年孤适等慟哭行所卜閭叢辰五行家曰十一月  
丙申吉將以其日歲事忍死紀實求立言君子大書  
且以備太史氏采擇六紹興二十六年二月二日孤  
某等泣血書

盤洲文集卷第七十四





